

Platt partu:

Rundbreef 2025-01

"Twüschen de Johrn"

Dat ole Johr in Stücken liggt
dor achtern. In de Lücken stiggt
dat niege? In de Lücken nicht!!
Wat nich an siene Nücken liggt;
veelmehr, wiel dat an Rücken litt —
wat mang de Johren Lücken ritt.
Bi mennig Slucker slütt de Lück
veelmaals vun "Lütt un Lütt" de Slück.

En frohes nieges Johr, leve plattdüütsche Maten un Frünnen!

Hebht Se en fröhlichen un harmoonschen Start hatt? So wünscht wi uns dat hele Johr — wi kiekt twoors mit Skepsis na vörn, hööpt avers dat Allerbest. De Riemel baven is natüürlich reine Schüddelriemel-Quatsch; [de Tied "twüschen de Johrn" geht op keen Fall bloots in Superie ünner!](#)

Ja, dat niege Johr hett uns al wedder bi'n Wickel un driggt uns ahn Barmen na vörn. Geern wulln wi noch de Wiehnachtstied fasthollen, avers 2025 hett den Vörwärtsgang inleggt. Hier in düssen Rundbreef kiekt wi avers nochmal in all Roh torüch op den vullen un överrieken Christmaand 2024.

De hele Advent full düt Johr in den Dezember, un uns Advents- un Wiehnachtsreeg bestünn düt Johr ut Leedöversetten vun bekannte Wiehnachtsleeder. Ik maak [den Optakt](#), un de neegsten dree Adventssünndaag ([2. Advent](#), [3. Advent](#), [4. Advent](#)) un ok [Hilligavend](#) un dat [Wiehnachtsfest](#) beschickt Ludgerd Lüske mit Översetten un Biller. Dat alleen maakt uns Flack "[De Welt un Gott](#)" al recht vull, avers ok mennig anner Maten hebht wiehnachtlich Bidrääg inschickt, sünnerlich uns stevig Behrend Böckmann, de weet, [wat de Ruklaas so drifft](#) un woans fröher de [Ooltjohrsavend](#) begahn woor. Un ok, dat nich elkeen [Wiehnachtsklenner för Minschenkinner](#) maakt is.

För Minschenkinner sünd avers de [Märken op uns Kinnerflack](#), un de kaamt düssen Maand wiss nich to kort. Dor weiht dat [töverhaftige Christkindhoor](#), [speelt Engels Posaun](#), dröömt de [Dannboom vun en wiehnachtlich Karriere](#), un ok de [Misteltelg](#) kümmt endlich [to sien wiehnachtlich Bestimmung](#). Addi Kahl [hööpt sogor op Snee](#). Ok märkenhaftig, man wat düüsterer geht dat in [Ursula Gressmanns Juister Sage](#) to, man Meike Balzer-Fraun geht [mit wiehnachtlich Gedanken dör den Regen](#), un ik heff [en Muus fungen](#). Se harr ja to snacken anfangen kunnt, "Ik bün en vertöverte Prinz, un wenn du mi frielettst, hest du dree Wünsch frie!" — hett se avers nich maakt, sodennig woor dat keen Märken. Frielaten heff ik ehr liekers.

Nee, in en Märken leevt wi nich, sünnern merrn in en freedlose Tied, ümgeven vun [lude Kriege, de mit Bomben föhrt warrt](#), un [liese, man liekso wedderwardige Kriege](#). De Wiehnachtsengel maakt [den Fredensroop in de Welt](#) luder hörbor, avers foorts mischt sik [Befremdlichs un Kommerz dorünner](#). De [Regeern sett ehr Schipp op Grund](#), dat Land [stellt sik op för'n Wahlkampf](#), [Syrien beleevt en wackelig Befrien](#), un in de hele Welt kannst sehn, dat [jümmer schaamloser Macht vör](#)

[Recht geiht.](#) — Good, wenn'n dor in de Natuur en [anner, heilsamer Maatstaav finnt!](#) [De kosmischen Maatstääv](#) laat opletzt allens lütt utsehn...

Wiehnachten also as en Fredens-Oaase in en bedrauhliche Welt? Dat is pathetisch, binah Kitsch — dorgegen helpt Satire un Sülvstironie. Ludgerd Lüske leggt [nocheens orrig Limericks hen](#), Heinz Tiekötter [stellt sien Stebeln rut, avers nich för'n Niklaas](#), un wenn de Wiehnachtsmann keen Laptop bringt, [denn spendeert den villicht de Krankenkass](#)? Probeern kost nix!

Un nu, leve plattdüütsche Maten un Frünnen, haalt wi deep Lucht un nehmt dat niege Johr mit all sien Freid un Möhg kurascheert op de Höörn! Blievt Se sund un fein toweeg! Wi leest uns wedder in'n Februarmaand.

Nu de Linkliste. Op de Links bruukt Se bloots klicken, dat Se henkaamt.

[Plattdüütsch Künst:](#)

[Limericks för Dezember](#) vun Ludgerd Lüske (29.12.)

[Wunnerwarken up Juist.](#) Fantastische Geschicht vun Ursula Gressmann (27.12.)

[Notizen ut'n Heumaand.](#) Fotos un Verse vun Marlou Lessing (17.12.)

[De Welt un Gott:](#)

[Oltjohrsåbend dunnemåls.](#) Vun Behrend Böckmann (31.12.)

[Wat dei Ruklaas üm Wihnachten dreev.](#) Vun Behrend Böckmann (27.12.)

[Wiehnacht 2024: O du fröhlicke.](#) Översetten vun Ludgerd Lüske (25.12.)

[Hilligavend 2024: Stille Nacht, hillge Nacht.](#) Översetten vun Ludgerd Lüske (24.12.)

[4. Advent 2024: Hör, at dei mojen Engelslieder klingt.](#) Översetten vun Ludgerd Lüske (22.12.)

[Fango.](#) Vun Heinz Tiekötter (15.12.)

[3. Advent 2024: Menschken, gi wörn eis verlor.](#) Översetten vun Ludgerd Lüske (15.12.)

[Dei Wihnachtsklenner.](#) Vun Behrend Böckmann (12.12.)

[Bi'n Dokter.](#) Vun Behrend Böckmann (8.12.)

[2. Advent 2024: Treckt hoch dei Dörn, för aale wiet.](#) Översetten vun Ludgerd Lüske (8.12.)

[Endlich maal weller Snee?](#) Vun Addi Kahl (7.12.)

[1. Advent 2024: O Heiland, ritt de Himmel op!](#) Översetten vun Marlou Lessing (1.12.)

In't [Lütte Gebeedbook:](#)

[Dei Engel verkünnt.](#) Vun Behrend Böckmann (15.12.)

In't [Notizbook vun't Erinnern:](#)

[Von Wihnachten bet Oltjohrsåbend.](#) Vun Behrend Böckmann (31.12.)

[Natuur un Wetenschap:](#)

[Dat Johr 2024 in'n Goorn.](#) Vun Meike Balzer-Fraun (29.12.)

In't [aktuelle Natuur-Notizbook](#):

[En besünner Sünnenwenn](#). Vun Marlou Lessing (25.12.)

[En Vörwiehnachtsspazeergang in Gedanken bi Theodor Storm](#). Vun Meike Balzer-Fraun (24.12.)

[In de Fall](#). Vun Marlou Lessing (10.12.)

[Wat in de Welt vörgeiht:](#)

[De stille Krieg](#). Vun Marlou Lessing (22.12.)

[Dei Titanic Rod-Gräun-Gäl sinkt](#). Vun Behrend Böckmann (21.12.)

[Dat Telefonat](#). Vun Behrend Böckmann (8.12.)

[Wahlen in'n Winter](#). Vun Behrend Böckmann (6.12.)

[Halloweenengel](#). Vun Meike Balzer-Fraun (6.12.)

In't [plattdüütsche Notizbook](#) vun Marlou Lessing:

[Lehr ut 2024](#) (29.12.)

[Definischoonsfragen](#) (12.12.)

[Wiehnachtswünsch](#) (10.12.)

[Alice in't Syrerland](#) (8.12.)

[Ehrliche Rövers](#) (1.12.)

[För Kinner:](#)

Modder Sünn ehr Kinner: [De Mistelbusch. Deel 2](#). Märken vun Sophie Reinheimer, överdragen vun Klaus-Dieter Tüxen (21.12.)

[Dei Drom](#). Vun Behrend Böckmann (21.12.)

Modder Sünn ehr Kinner: [De Posaunen in de Kark an'n Sünndagmorgen](#). Märken vun Sophie Reinheimer, överdragen vun Klaus-Dieter Tüxen (15.12.)

Modder Sünn ehr Kinner: [Dat Christkindhoor](#). Märken vun Sophie Reinheimer, överdragen vun Klaus-Dieter Tüxen (7.12.)

Hartlich grööt

Marlou Lessing un dat lütte Plattpartu-Team